

Mahere Aromatawai – 2021**Te Reo Rangatira: Te tūhura i ngā tuhinga raupeka (91806)****Paearu Aromatawai**

Paetae	Kaiaka	Kairangi
<p>Te tūhura i ngā tuhinga raupeka.</p> <ul style="list-style-type: none"> • Ka tautuhi i ngā waipaki o ngā tuhinga. • Ka matapaki i t/ētahi o ngā waipaki. 	<p>He kaiaka te tūhura i ngā tuhinga raupeka.</p> <ul style="list-style-type: none"> • Ka tautuhi i ngā rautaki a te kaitito hei whakaari i t/ētahi o ngā waipaki matua. • Ka tautuhi i te hunga pānui e tika ana mā rātou tēnei tuhinga, ka rata hoki ki te tuhinga. 	<p>He kairangi te tūhura i ngā tuhinga raupeka.</p> <ul style="list-style-type: none"> • Ka tautuhi, ka whakawāwā i ngā rautaki a te kaitito hei whakaari i t/ētahi o ngā waipaki. • Ka āta matapaki i ngā peka i pai ai rānei, i raruraru ai rānei ngā tuhinga. • Ka mārohirohi i ngā whakapainga e rata ake ai te hunga pānui e tika ana mā rātou te tuhinga nei.

Taunakitanga

Paetae	Kaiaka	Kairangi
<p><i>Hei tauira taunaki noa:</i></p> <p>Ko te uho o ngā poroporoaki e rua nei he tuku mihi ki ngā Arikiniui o te Kīngitanga kua riro ki te pō. E tukuna atu ana rāua kia haere i runga i te kupu rangatira, i te kupu ātaahua o te reo Māori, otirā, me pēhea e kore ai ngā kupu ikeike e rere ki te Aitanga-a-Tiki ka wehe atu nei ki tua o Paerau? Kī pai ana ngā mihi e rua i te mahi a te pepeha, i te kupu whakarite, i te huahuatau anō hoki. Toro atu ai ngā kaituhi e rua ki ngā kōrero mō te waka hei whakaahua i te wehenga atu o ngā Arikiniui i te ao marama, hei paihere anō hoki i ngā iwi huhua o te motu ki te Kīngitanga. Hei tauira, ki te mihi a Pei Te Hurinui ka mea ake ia, ‘Taiaawhio te haere i runga i oo waka i a Mataatua, Horouta, Taakitimu, kia mihi mai koe e ngaa uri aa oo tupuna aa Toroa, aa, Porourangi, aa Kahungunu ...’</p>	<p><i>Hei tauira taunaki noa:</i></p> <p>Ko tētahi o ngā rautaki kua whakamahia e ngā kaituhi nei ko te toro atu ki ngā tohu o te taiao mō te matenga o te rangatira mana nui. Hei tauira, i te tuhinga tuatahi e kitea ana te kōrero, ‘Ka ahu mai ai, e Tama, too tira ki te ara mau i ki runga o Maungatautari, ki te hikonga uira i runga o Wharepuuhunga i Rangitoto. Ngaa tohu eena aa oo tuupuna’. Ko Tā Tīmoti Kāretu hoki tērā i nanao atu ki te aria o te uira e hikohiko ana mō hinganga o te mokopuna o te motu, hei tāna ‘Moe mai rā i tō tihi hikonga uira e parewaikohutia nei’. E kōrero ana tēnei mō Taupiri, mō te urunga o te ihi, o te wehi, o te whakamataku, arā, mō te rārangi Kīngi. Ki ōku nei whakaaro, ko te tihi o kupu rerehua, o kōrero whakarāwai i te reo Māori kei ā tātou mihi ki ngā mate. He matapihi ēnei tuhinga ki te ao o nehe, ki ngā tikanga anō hoki a tūnohunu mā. He akoranga kei roto i ēnei mō tātou katoa e whai nei kia Māori ai ō tātou reo.</p>	<p><i>Hei tauira taunaki noa:</i></p> <p>E kitea ana te tohungatanga o ngā kaiwhakairo i te kupu i ngā poroporoaki e rua mō Kīngi Koroki me Te Arikiniui Te Atairangikaahu. Ahakoa he rerekē ngā tau i titoa ai ēnei mihi, ko te tāraitanga o te waka kawē i ngā huahuatau ki ngā rau riro tītāpu nei, anō he mea whakanako ki te toki kotahi. He tino pai ki a au tā Pei Te Hurinui Jones tō mai i te tangata ki tāna poroporoaki mā te hoea o tō te Kīngi waka i ngā awa me ngā moana o te motu. He rautaki tēnei hei tūhono i te Kīngi ki ngā iwi katoa o Aotearoa, hei whakaatu anō hoki i te mana nui o tēnei mea te whakapapa, ‘Takahia ee kore, e Tama te ara ki Rotorua-nui-aa-Kahu. Ka tae atu ai koe ki Te Rotoiti, kei konaa, e Tama, ngaa wai kaukau aa oo tupuna oo Ngaati Pikiao oo runga i a Te Arawa’. He tino pai ēnei mihi hei whakaū i te nui whakarahahara o tā te Māori mōhio ki ōna whakapapa, otirā, ki ngā pepeha a ngā tupuna e tūhono nei i tētahi iwi, ki tētahi atu iwi.</p>

KW1	KW2	P3	P4	KA5	KA6	KR7	KR8
Kāore e tautuhi i t/ētahi i waipaki o ngā tuhinga. Kāore e matapaki i t/ētahi o ngā waipaki o ngā tuhinga.	Ka tautuhi i t/ētahi waipaki o ngā tuhinga. Iti rawa te matapaki i t/ētahi o ngā waipaki o ngā tuhinga.	Ka āta tautuhi i ngā waipaki o ngā tuhinga. Ka āta matapaki i t/ētahi o ngā waipaki.	Ka tautuhi i ngā waipaki o ngā tuhinga. Ka matapaki i t/ētahi o ngā waipaki.	Ka āta tautuhi i ngā rautaki a te kaitito hei whakaari i t/ētahi o ngā waipaki matua. Ka āta tautuhi i te hunga pānui e tika ana mā rātou tēnei tuhinga, ka rata hoki ki te tuhinga.	Ka whānui te tautuhi rautaki a te kaitito hei whakaari i t/ētahi o ngā waipaki matua. Ka whānui te tautuhi i te hunga pānui e tika ana mā rātou tēnei tuhinga, ka rata hoki ki te tuhinga.	Ka āta tautuhi, ka whakawāwā i ngā rautaki a te kaitito hei whakaari i t/ētahi o ngā waipaki. Ka āta matapaki i ngā peka i pai ai rānei, i raruraru ai rānei ngā tuhinga. Ka āta mārohirohi i ngā whakapainga e rata ake ai te hunga pānui e tika ana mā rātou te tuhinga nei.	Ka hōhonu te tautuhi ka whakawāwā i ngā rautaki a te kaitito hei whakaari i t/ētahi o ngā waipaki. Ka hōhonu te matapaki peka i pai ai rānei, i raruraru ai rānei ngā tuhinga. Ka hōhonu te mārohirohi i ngā whakapainga e rata ake ai te hunga pānui e tika ana mā rātou te tuhinga nei.

KW0 = Kāore he paku hāngaitanga, kāore rānei he tuhinga.

Whakataunga

Kāore i Whiwhi	Paetae	Kaiaka	Kairangi
0 – 2	3 – 4	5 – 6	7 – 8